

Hinc quoq; cælestis durantia gaudia vita,
Pastoris veri præmia digna feres.
Hæc tibi sancte senex voluit mea Musa referre,
Te veluti patrem quæ reuerenter habet.
Doctior ipse peto tenerum ne despice carmen
Quamvis de vena pauperiore fluat.
Namq; illud capiens æqua si mente probabis,
Hoc melius quondam nostra Minerua dabit.
Te Deus incolumem Pylios conseruet in annos
Præbeat & rebus fata secunda tuis.

FINIS.


Reuerendiss. D. T.

Addictiss.
Achatius Cureus
in Gymnasio Dantiscano
collega.



Wahrhaftige Beschrey.

bung wie die grosse Kauffstadt Wolotsko, So in Littawen gelegen von dem Koschcowiter den 15. Februaris dieses 63. Jars, Erobert und eingeno-
men worden ist.



MEinem freundlichen gruß ist
Wunschunge Götlicher Genaden allzeit
zuorn Achbar Wolgeachter vnd Namhafter
lieber Herr u. Nach dem ich nun einen gründ-
lichen vnd warhaftigen bericht hab bekommen/
wie die grosse Kauffstat Polozko vom Moscowis-
ter ist eingenommen worden/ hab ichs nicht mögen
vnterlassen E. A. gunsten das selbe zu zuschrey-
ben etc. Es ist der Moscowiter den 31. Januarij
in der Morgenstundt mit grosser gewaldt für die
Stadt gerückt von stunden an angefangen gro-
se Schanzkörb / welche er zuuorn hat in einem
Walde zwei Meylen dariyon machen/ vnd darfür
setzen lassen / hart vor der einen Stadt/ vnd so
baldt als die Körb gesetzt / sindt sie auch von stund
an gefült worden / dann die Pawren haben das
Erdtrich alle in Secken/ so von ihnen von Mat-
ten gemacht müssen dahin tragen / Welcher Paw-
ren sollen gewesen sein bey vierzig tausent / die das
Geschütz/ Kugel/ Pulfser wegen / auch alle andere
Munition ziehen müssen/ vnd auß die Arctlerey
wachen/ dann er darzu kein Ros brauchen lassen/
Die vnsern haben jm das Schanzen nicht können
wehren / so behendt ist er damit vmbgangen etc.
Den 1. Februarij hat er an dem selbigen orth so ge-
waltig angefangen zuschiessen / das die Bürger die
Stadt verlassen / vnd selbst angezündt haben/
vnd

vnd in die ander Stadt gewichen / Er aber sich
 nicht gesaumet / vnd zu den andern Stedten auch
 geschantzt / vnd ohne außhören Tag vnd nacht
 geschossen / vnd Steinerne / auch Fewer Kugeln
 hienein geworffen / das es vnglaublich daruon zu-
 sagen / dennoch die Warheit ist / hat also die andern
 Stedt mit Fewer geengstiget / das die Burger vnd
 Einwohner daselbst gar zaghastig worden sindt /
 vnd viel sich zu ihm begeben haben / vnd vnser
 Volk ihm wenig abbruch gethon / Unter solchem
 gewaltigen schiessen / hat er für das Schloß auch
 geschantzt / dasselbig auch also geengstiget mit schies-
 sen vnd Fewer werffen / das ers den 15. Februarij
 auch entzündet hat / Der vnsern Büchsenmeister /
 vnd Kriegs leuth sindt viel erschossen worden /
 der Burger sindt viel im Fewer verbrandt / vnd
 erdrückt worden / In desß ist der Bischoff mit einem
 Creuz auß dem Schloß gelauffen / zu dem Mo-
 scowitter / vnd genad begert / welcher in auch zu
 genaden angenommen / vnd hat heissen den Herrn
 Woywoden von Pologko / auch lassen zu ihm kom-
 men / sampt den andern Hauptleuten / wie diese nun
 auch zu ihm kommen / hat er ihnen besolhen / das
 sie mit allen ihrem Kriegs volk vnd Büchsen-
 meystern / soscie noch haben / auf dem Schloß zie-
 hen / welchs dann geschehen / vnd sindt zwischen
 den Moscowitern / welche drey Mann dicke in

zwo Ordnung gehalten haben durch hin gezogen/
biß an das orth da man sie hin gewiesen hat / man
hat yhnen auch alle yhre gewehre so sie gehabt ge-
lassen / wiewol der vnsern vberal / vber zwey tau-
sent wehrhaftiger Kriegsleut nicht gewesen sind /
dañ die Burger sindt gar verzagt gewesen. Wie sie
nun alle auf der Stadt sindt gezogen / hat er sie
auff einen Bergk lassen legen / vnd stark bewa-
chen / Vnd yhnen in fünff tagen nichts von
Profiandt lassen zu kommen / also das sie nicht an-
ders gemeint / er wolte sie lassen verschmachten /
Darzu so hat er die Burger auch auf der Stat bey
grossen haussen / doch alle ohne wehre / treyben
lassen / an besondere örter / vnd bewachen / Nach
den fünff tagen vergangen / ist sein Marschalc^t zu
den Kriegsleuten kommen / vnd zu den Büchsen-
meistern / sambt andern seinen Herren / vnd das
Kriegsvolk alles lassen Mustern / vnd yhre Na-
men beschrieben / vnd den Woywoden / sampt
andern der Obersten Herren zu yhm bringen las-
sen / welche er sambt Weib vnd Kindt in die Mo-
schkaw geschickt vñ geführet / desgleichen auch viel
Volk^s auf der Stadt etc. Was Littawen gewe-
sen / hat er mit grossen haussen wie das Viehe / nach
der Moschkaw treybē lassen etc. Die Reussen aber
hat er stil liegen vnd fernier bewachen lassen / dar-
nach vber drey Tag / hat er wider zu vnsern Kriegs-
leuten

lenten vnd Büchsenmeistern geschickt vnd ihnen
lassen anzeigen/ wer jm dienen wolte/ der sollte sich
melden / vnd von stundan vor des Großfürsten
Gezeldt kommen Geldt empfahen / vnd hat sie al-
zumal gemustert / vnd beschrieben/ so findet jhr viel
von den vnsern/ die ihm zu dienen verwilligt. Wie
er nun an die Büchsenmeister kommen vnd die
selben wider verlesen / hat er schon gewußt was ein
yeder für ein Handtwerck kundt/ was dann Büch-
senschmiedt/ Rotschmiedt/ Kleinschmidt/ Zimmer-
leut/ Balwirer/ vnd sonst Grobschmidt etc. ge-
wesen sindt/ hat man gezwungen/ dem Großfür-
sten zu dienen/ jedoch hat man ihnen statliche besols-
dung zugesagt / wirdts ihnen aber gehalten/ wer-
den sie innen werden/ den andern hat er anzeigen
lassen/ wer jm dienen wil/ den wil er ehrlich vnter-
halten/ wer aber nicht/ den wolle er frey Passiren
lassen/ doch das er hinfort nicht weiter wider ihn
dienen wöl etc. So findet vnsér Büchsenmeister
neun auf gutem willen zu jm gezogen / vnd fünff
hat er genötiget mit ihm zuziehen/ auch hat er alle
polnische Reuter vnd Draben frey lassen zu Haß
ziehen/ Auch vier Hauptleut welche er mit Gülden
Stücken begabet/ vnd mit schönen Zoblen Pelzen
wider zu Haß ziehen lassen/ welche sindt den z.
Martij gen der Wilde kommen/ mit sechs Büch-
senmeistern/ vier Handtlängern/ vnd etlichen Dras-

hen / vngelündert mit sren obern vnd vndern wehren etc. hat also den 15. Februarij die grosse Stat Polozko eingenomen / ein groß Gut / von Gelde / Silber vnd Goldt / vñ an wahre darinnen bekom men / das es vngleublich / Man sagt auch das er etliche Münch / so er darinnen bekommen / hat lassen Köpfen vnd alle Juden lassen ertrenden / wie ers aber weiter mit den Reussen / so er auf der Stadt getrieben / gehalten / können die vnsern nicht wissen / ob er sie wieder in die Stadt lassen ziehen oder nit. Der Andreas Hesse / welcher vber zweintig stück Püchsen zu einem Zeugwart verordnet / sind beyde Arm vor dem Elbogen abgeschossen / auch hat jm ein Splitter von Holz ein Aug / vnd den halben Bart hinweg geschlagē / den hat der Moschkowitzer auch mit in die Moschkaw lassen führen / mit Weib vnd Kindt / wil in daselbst heylen / vnd sein lebtag vnterhalten. Auch hat er alle vnser Geschütz etwa bey vierzig stück den groß vnd klein in die Moschkaw lassen fähren / vnd die Stadt Polozko mit seinem Volk besetzt. Was sein Geschütz belanget / sagen die Hauptleut vnd Büchsenmeister / das sie ihr tage bey keinem Herrn so groß Geschütz gesehē haben / als sie bey yhm / so er alda gehabt hat / welcher stück bey hundert vnd fünffzig mit den fewer Mörsern / derer sechs vnd dreissig gewesen / das mit er in die Stat vnd Schloß geschossen vnd geworssen /

B 0 S

geworffen/ vnd so vngeschwungen ding geschossen vnd fewer geworffen/ das es vngleublich ist etc. Also habt yhr kürzlich den gründlichen Bericht/ Was nun Königliche Mayestat vnser gnedigster Herr weiter darzu thun wirdt/ werden wir weiß werden/ Es findet vnserere Kriegsleut/ als Littawen/ Tattern/ vnd Rusaken biß in die vierzigk tausent/ Nur siben Meylen von Polozko gelegen mit sechs vnd zweintig Stück Päcksen/ haben aber den Feindt nicht dürffen angreissen/ Vnnd yhm alle sein Geschütz können abjagen/ Es ist aber nicht geschehen. Wil euch derwegen hiemit dem lieben Gott befolhen haben/ Euch auch weiter zu dienen bin ich williger dañ willig/ Datum in eil in der Wild
den 9. Martij im
1563. Jar.
ENDE.

